

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**KEREITE YA 12**

**SESOTHO PUO YA TLATSETSO YA PELE (FAL)**

**PAMPIRI YA BORARO (P3)**

**PUDUNGWANA 2018**

**MATSHWAO: 100**

**NAKO: Dihora tse 2½**

**Pampiri ena e na le maqephe a 7.**

**DITAELO LE DIKELETSO HO MOHLAHLOBUWA**

1. Pampiri ena e arotswe DIKAROLO TSE THARO, e leng:  

KAROLO YA A: Moqoqo	(50)
KAROLO YA B: Ditema tsa kgokahano tse telele	(30)
KAROLO YA C: Ditema tsa kgokahano tse kgutshwane	(20)
2. O lokela ho araba potso E LE NNGWE KAROLONG E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA, mme o sehe mola qetellong ya karolo ka nngwe.
5. Karolong e nngwe le e nngwe o tlameha ho etsa moralo wa ho ngola (ka ho iketsetsa mmapa wa monahano/daekramo/tjhate/lenane la dintlha tseo o tla ngola ka tsona). Boela o lekole botjha mosebetsi wa hao o be o lokise diphoso. Moralo wa hao o tle/hlahe PELE ho tema e nngwe le e nngwe.
6. Meralo yohle e totobatswe ka tshwanelo hore ke meralo. O eletswa ho seha mola ho habahanya meralo yohle.
7. O eletswa ho sebedisa nako ya hao tjena:  


KAROLO YA A: Metsotso e 80	
KAROLO YA B: Metsotso e 40	
KAROLO YA C: Metsotso e 30	
8. Nomora dikarabo tsa hao feela jwalo ka ha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswe.
11. Ngola ka mongolo o makgethe o balehang.

**KAROLO YA A: MOQOQO****POTSO YA 1**

Kgetha sehlooho SE LE SENG, mme o ngole moqoqo wa boelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo, mme o be o boele o lekole moqoqo wa hao botjha ho hlaola diphoso.

- 1.1 Ruri batho ba a fetoha! [50]
- 1.2 Hoja ka se ke ka halefa haholo tsatsing leo. [50]
- 1.3 Maikutlo a ka mabapi le baithuti ba tlohelang sekolo ba eso qete dithuto tsa bona. [50]
- 1.4 Melemo le dimpe tsa ho ba ngwana wa kgalala. [50]
- 1.5 Bohle ba nkang tjojjo setjhabeng, ba lokelwa ke kotlo e boima. [50]
- 1.6 Sheba setshwantsho, mme o qoqe ka seo setshwantsho se se qholotsang maikutlong a hao. Neha moqoqo wa hao sehlooho.

1.6.1



[Se qotsitse le ho lokiswa botjha ho tswa ho [www.google](http://www.google)]

[50]

1.6.2



[Se qotsitse le ho lokiswa botjha ho tswa ho [www.google/justice](http://www.google/justice)]

[50]

1.6.3



[Se qotsitse le ho lokiswa botjha ho tswa ho [www.google](http://www.google)]

[50]

**MATSHWAO OHLE A KAROLO YA A: 50**

**KAROLO YA B: DITEMA TSA KGOKAHANO TSE TELELE****POTSO YA 2**

Kgetha, mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo, mme o be o boele o lekole tema ya hao botjha ho hlaola diphoso.

**2.1 LENGOLO LA SETSWALLE**

Motswalle wa hao o ile a o tshehetsa, a ba a o kgothatsa nakong eo o neng o imetswe ke mathata. Mo ngolle lengolo, o mo lebohe ha a ile a o tshehetsa.

**[30]****2.2 TOKOMANE YA BOITSEBISO LE BOIPHILELO (CV) HAMMOHO LE LENGOLO LA KOPO YA MOSEBETSI.**

Katleho Kolo o kgahlilwe ke phatlalatsong ya sekgeo sa mosebetsi o latelang. O na le mangolo le boiphilelo tse batlehang sekgeong sena sa mosebetsi. Ngola Tokomane ya Boitsebiso le Boiphilelo (CV) ya hae hammoho le lengolo le kopang mosebetsi.

Phatlalatsong ya sekgeo sa mosebetsi:

**LEFAPHA LA TSA MESEBETSI****PHATLALATSO YA SEKCEO SA TOKISOBOTJHA YA DIKOLO**

Mokopi wa mosebetsi o lokela ho ba le tse latelang:

- Boiphilelo ba ho aha ba bonyane dilemo tse nne.
- Lengolo la Materiki.
- Dipoloma ho tsa kaho.
- Bokgoni ba ho tswakanya mefuta e fapaneng ya dipente ka tshebediso ya khomphutha.
- Tsebo e batsi mabapi le ho kgabisa.
- Tshebedisanommoho le mamello mosebetsing.

Boikarabelo:

- Ho qeta mosebetsi ka nako e behuweng.
- Ho hlokomela disebediswa.
- Ho sebetsa ka makgethe le bohlweki.

Bakopi ba mosebetsi ona ba ka romella ditokomane tsa Boitsebiso le Boiphilelo (CV) tsa bona ho mofumahadi MD Lenka, Lefapheng la tsa Mesebetsi atereseng tse latelang:

Aterese: PO Box 34 Boikgutsong 8720  
 Mohala: 050 617 1750  
 Emeili: [lenkam@gov.co.za](mailto:lenkam@gov.co.za)  
 Fekese: 0861777246

**Letsatsi la ho qetela la dikopo  
28 Mmesa 2018**

**[30]**

**2.3 RAPOROTO**

O ne o le e mong wa bareki lebenkeleng la mabenyane ha mashodu a itahlela ka hara lona, mme a utswetsa ralebenkele le bareki. Ngolla mookamedi wa sepolesa raporoto ka se etsahetseng.

**[30]****2.4 INTHAVIU**

O kgethilwe ho ya bapala sehlopheng sa naha papading eo o e ratang haholo. Ngola inthaviu moo moqolotsi wa ditaba a buisanang le wena.

**[30]****MATSHWAO OHLE A KAROLO YA B: 30**

**KAROLO YA C: DITEMA TSA KGOKAHANO TSE KGUTSHWANE****POTSO YA 3**

Kgetha, mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo, mme o be o boele o lekole tema ya hao botjha ho hlaola diphoso.

**3.1 PAPATSO**

Moholwane wa hao o sa tswa bula kgwebo ya ho lokisa dikhomphutha. Etsa/Ngola papatso e hohellang setjhaba kgwebong ena.

**[20]****3.2 DAYARI**

Batswadi ba hao ba ne ba etile, mme ba o siile le moahisane wa bona matsatsi a mane. Ngola dayari ya matsatsi ao.

**[20]****3.3 DITAELO**

Le amohetse baeti sekolong sa lona, mme jwalo ka moetapele wa baithuti, ba fe ditaello tseo ba lokelang ho di phethisa pele ba ya mabaleng a dipapadi.

**[20]****MATSHWAO OHLE A KAROLO YA C:****20****MATSHWAO OHLE A PAMPIRI ENA:****100**